



18. marts 2009

Inatsisartut suleriaasianni § 36 imm. 1 innersuussutigalugu naalackersuisunut apeqquteqaat.

Illuutininik inissianillu najugaqarfissanik attartortittakkanik inuusuttuaqqat ilinniagaqartut aamma inuusuttuaqqat meerartaajaarsimasut attartornissamut qanoq periarfissaqartinneqarpasut?

Taakku pillugit Naalackersuisut qanoq aamma isumaliuteqarpasut?

(Inatsisartuni ilaasortaq Ane Hansen, Inuit Ataqtigiit)

Tungavilersuutit:

Naak Namminersornerullutik Oqartussat nalunaarutaat nr. 12, 23 April 2008-meersoq "Illuutininik najugaqarfissanik attartortitsisarneq pillugu nalunaarut" malillugu paragraf 12-imi, Inuit kikkulluunniit 15-inik ukioqalereersimasut inissarsiortutut allatsissinnaagaluartut, inissianik attartugassanik tunniussisoqarsinnaasarpog inissarsiortoq aatsaat 18-inik ukioqalereersimappat.

Tamanna inuusuttuaqqanut meerartaajarsimasunut ajornartorsiutissiisarpog, kikkulluunniimi angajoqqaanngorsimasut pisinnaatitaaffigisariaqarpaat angajoqqaatut namminerisamik ineqarsinnaaneq. Inuusuttut angajoqqaanngujaarsimasut 18-liinissamik tungaanut angajoqqaaminniittussangortinneqartarnerat pisinnaatitaaffiinik arsaartuineruvoq. Meerartarniaraanni inatsisitigut 18-nit sinnerlugit ukioqalereersimanissamik piunasaqartoqangikkaluartoq, initaarniaraanni 18-nit sinnerlugit ukioqalereersimanissaq piunasarineqarpog.

Ajornartorsiut tamanna aamma atuuppoq inuusuttuaqqat angajoqqaatik qimallugit ilinniagaqalersimasut eqqarsaatigalugit, illorfiit ilaanni kolligiani inissaaleqineq pissutigalugu inuusuttut ilinniagaqartut inissiani ineqatigiiaarlutik inississinnaasarpasut. Aamma ilaat namminneq inissarsiortut ineqatigiiaannissaminnut iluatsissisarput, ineqatigiilersulli ilaat 18-nit inorlugit ukioqarsimagaangat tamanna aamma ajornartorsiutigineqalersarpog.

Meeqqat atuarfiata aqqissuuteqqinneqarnerata kingorna inuusuttuaqqat suli ukiukinnerullutik ilinniagaqalersartut amerliartortussaapput, taamaattumik illuutininik inissianilluunniit attartortittakkanik initaarniarnermi 18-inik ukioqalereersimanissamik piunasaqaataasartoq appartittariaqarpog assersuutigalugu 16-nik ukioqalersimanissamik taarserlugu. Taamaattumik paaserusuppara pineqartut pillugit Naalackersuisut periarfissaqartitsinersut qanorlu isumaliuteqarnerasut.